



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ-16/34

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«25» 04 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Բ. Մայադյանի կողմից 22.02.2023 թվականին հայտնաբերվել է «Գովազդի մասին» ՀՀ օրենքի (հետայսու՝ Օրենք) 26-րդ հոդվածի 1.1 կետով նախատեսված իրավախախտում՝ մասնավորապես՝ անհատ ձեռնարկատեր Գևիկ Քառնիկի Ավաքեմսոթյանաբաղին խուսափել և ժամանակին չի կատարել Երևան քաղաքի Կոմիտասի պողոտայի հ. 27/3 հասցեում իր կողմից տեղադրված արտաքին գովազդի տեղադրման թույլտվության տեղական տուրքի գծով պարտավորությունների կատարումից, որի վերաբերյալ 03.03.2023 թվականին կազմվել է վարչական իրավախախտման վերաբերյալ թիվ 000080 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը՝ անհատ ձեռնարկատեր Գևիկ Քառնիկի Ավաքեմսոթյանաբաղի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել վերջինիս Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագիրը մինչ օրս չի վերադարձվել, իսկ անհատ ձեռնարկատեր Գևիկ Քառնիկի Ավաքեմսոթյանաբաղին չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ անհատ ձեռնարկատեր Գևիկ Քառնիկի Ավաքեմսոթյանաբաղի պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչարարության հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 03.03.2023 թվականին կազմված հ. Ա-000080 արձանագրության հիման վրա հարուցված վարչական վարույթը 13.04.2023 թվականի հ. Վ-224 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանն անհատ ձեռնարկատեր Գևիկ Քառնիկի Ավաքեմսոթյանաբաղի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել անհատ ձեռնարկատեր Գևիկ

Քառնիկի Ավաքեմսոյթանաբաղիին Երևանի քաղաքապետարանում 25.04.2023 թվականին կայանալիք գործի քննությանը ծանուցելու համար:

Հարուցված վարչական վարույթի շրջանակներում 25.04.2023 թվականին գործի քննությանը ներկայացավ անհատ ձեռնարկատեր Գևիկ Քառնիկի Ավաքեմսոյթանաբաղիին (նույնականացման քարտ՝ 010961811, տրված 18.09.2019 թվականին 004-ի կողմից): Վերջինս բացի «Բացատրագիր» վերտառությամբ նյութում տրված բացատրությունից հայտնեց նաև, որ խանութը հանձնել են և այլևս չեն աշխատում: Իր նկատմամբ առաջին անգամ է քննվում վարչական պատասխանատվության ենթարկելու հարց:

Անհատ ձեռնարկատեր Գևիկ Քառնիկի Ավաքեմսոյթանաբաղիի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ քաղվածքը, Երևան քաղաքի Արաբկիր վարչական շրջանի ղեկավարի տեղակալի 23.02.2023 թվականի հ. 25/02-Վ52 ծանուցագիրը, փոստային ծառայության ստացման-հանձնման հետադարձ AL0108231187AM ծանուցագիրը և իրավախախտման լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ անհատ ձեռնարկատեր Գևիկ Քառնիկի Ավաքեմսոյթանաբաղիին հանդիսանալով գովազդակիր, խուսափել և չի կատարել Երևան քաղաքի Կոմիտասի պողոտայի հ. 27/3 հասցեում իր կողմից տեղադրված «Լիա Մարկետ, Աթենք, Կաթնառատ Կալինինոյից, Ռոսկյալ կաթնամթերք ձեր ընտանիքի համար, MARIANNA, Bifido» բովանդակությամբ արտաքին գովազդի տեղադրման թույլտվության տեղական տուրքի վճարման մասին ծանուցագրի պահանջները:

Անհատ ձեռնարկատեր Գևիկ Քառնիկի Ավաքեմսոյթանաբաղիի կողմից թույլ է տրվել Օրենքի 26-րդ հոդվածով նախատեսված վարչական իրավախախտում:

Հաշվի առնելով անհատ ձեռնարկատեր Գևիկ Քառնիկի Ավաքեմսոյթանաբաղիի կողմից տրված բացատրությունները և այն հանգամանքը, որ անհատ ձեռնարկատեր Գևիկ Քառնիկի Ավաքեմսոյթանաբաղիի կողմից առաջին անգամ է թույլ տրվել Օրենսգրքի 26-րդ հոդվածի 1.1 կետով նախատեսված իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենքի 26-րդ հոդվածի 1.1-ին կետի համաձայն՝ Երևանի քաղաքապետն իրավասու է, Հայաստանի Հանրապետության գործող օրենսդրության համաձայն, տուգանք կիրառելու

գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի 2.1-ին կետի համաձայն՝ գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշումն ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 252-րդ, 281-րդ և 282-րդ հոդվածներով, 49-րդ հոդվածի 1-ին մասի «բ» կետով, 3-րդ մասի 2-րդ պարբերությամբ, Օրենքի 26-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Գևիկ Քառնիկի Ավաքեմստրանաբաղիի նկատմամբ 13.04.2023 թվականի հ.Վ-224 որոշմամբ կասեցված վարչական վարույթը վերսկսել:

2. Գևիկ Քառնիկի Ավաքեմստրանաբաղիին Օրենքի 26-րդ հոդվածի 2.1-րդ մասով ենթարկել վարչական պատասխանատվության՝ նշանակելով վարչական տույժ 50.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱՆ



ԱՐԱՄ ՄԱՐՏԻՐՈՍՅԱՆ